



水邨集二

詩

20
1012
2

水邨



20



水村集卷之三目錄

詩

鏡湖岸移小梅植瓦盆置卧理軒

上尤齋宋先生

其二

山陰道中

丹溪道中

換鵝亭畱別朴幸爾天與

巡審田野至月洞

重陽

沙斤驛逢中興寺閣梨禪一題贈

紅流洞次崔孤雲韻

海印寺歸路寄李美叔秀彥巡相

喜雨

次李春卿以榮暮登寫經閣韻

次李春卿曉坐凝香閣韻

次春卿詠梅韻

示春卿

再疊

換鵝亭夜酌別李郎

春盡日渡鏡湖遊烏石村登春羅龍淵兩臺

其二

其三

其四

對雨

我馬蒼

月夜登製錦堂左麓臨鏡湖

夜坐

湖上對雨

縣齋夜會贈趙聲伯鳴遠

元日雪

春感

感夢

鏡湖雨中喜丹丘生至呼韻共賦

丹丘縣齋春夜與趙聲伯呼韻共賦

寄張斗以

其二

趙聲伯聞余闌字韻和寄二首次韻以報

次聲伯寄來韻

其二

次趙聲伯寄贈韻

丹丘縣齋與張斗以金太初沈趙聲伯呼韻共

賦是日三月望也

登途

丹溪望武陵

新翻村滯雨

臺巖村登樓

永川朝陽閣用板上韻示主倅柳兄有道命才

朝陽閣

暮春與居昌宰金太初趙聲伯盍簪于安陰宰

張斗以縣齋呼韻共賦

其二

向靈覺寺途中

靈覺寺次趙聲伯韻

靈覺寺次張斗以贈別趙聲伯韻

愁送臺次石上退陶先生韻

秋思

換鵝亭病後謝張斗以來訪

得家書

次許珍叔淑見寄韻

丙寅元日

卧龍亭次壁上韻

安陰縣留別張斗以

次李汝挺寄贈韻

曹萬聚將赴清道會宿其第叙別次洪九言韻

以贈

苦雨

與沈一卿漢柱夜會尹仲綱世紀第用石洲集

中韻同賦

早春偷隙訪張斗以山家呼韻共賦

贈別洪汝廓萬恢赴安岳

尹都事復元以性挽

贈別洪季和萬熙赴白川

送李伯凝鼎命赴北幕

其二

其三

其四

玉吉村感懷

新昌旅舍

贈北隣李君

其二

元日

送李汝擬赴梁山郡

贈金察訪應南

閒興

其二

次元命汝聖俞水雲亭韻

其二

次趙氏家藏帖尤齋先生韻

呈松都南宮少尹鉅

復和

謝沈一卿來訪

盆竹

盆橘

趙聲伯與金至叔携酒來訪要余登兩宜亭舊

基眺賞呼韻同賦時趙郎亦從

其二

其三

其四

贈別李汝挺謫扶餘

趙文義之私挽

病中寄沈一卿

其二

其三

到黔陽遠地村亡姪喪家李聖老來話而去臨

歸却寄

謝辛重三聖重來訪

雙鳥寄沈一卿

又次沈一卿寄來再疊

又次沈一卿寄來三疊

三浦與洪九言夜會拈韻同賦

砥平縣齋夜飲

遜湖在笏軒拈韻同賦

次楓巖洪道原寄來草堂詩韻

又用前韻寄楓巖

田家

卽事呼韻走筆

送元命汝赴北青

次靜齋沈道明轍寄贈韻

瑞山花邊村訪尹叔兼之贊新居用栢谷集中

韻

瑞山郡齋與主倅趙子直會宿口占以示

其二

畱贈從兄壁

尹叔兼追到栗里叙別拈韻共賦走筆相贈是

日大雪

上元夜雪月皎然栗里從兄宅與尹叔兼會飲

其二

其三

又次叔兼畱別韻

次韻題李叔固^坐傍隨窩

次韻題金仲惠^{盛迪}寧貧堂

伽倻寺

馬上值雪

歸路馬上口占

到家

四月十三日病中伏聞中殿復位不勝慶抃

敢用言志

稷山客館謾詠

尼山客館次板上東岳韻呈主倅崔使君^寄

益山訪見女息

朗州對月樓次板上石川韻

對月樓滯雨

聽潮樓二絕

其二

馬島鎮

智島放舟

其二

其三

其四

其五

白蓮寺萬景樓次板上韻

七月望夜鰲山館東樓重過

渡漢

其二

黃江訪權徵士致道家

次豐基守任一之道三寄贈韻

島潭

其二

次韋蘇州韻寄遂庵

赴忠州春操馬上口占

謝權生變來訪仍寄遂庵

解纜

其二

朝雲峰

杜陽墓

得月

早發

舟行

其二

其三

玉筍遇雨

自忠州舟還次李金吾世遇韻

鳳棲亭夜坐懷遂庵

次陰城宰尹衡仲夏教韻

向永春途中

與永春宰權君斗寅同舟觀北壁

次永春宰權春卿斗寅韻

其二

其三

次答永春宰和寄前韻

其二

永春官閣示主倅

次權幼晦煜寄來韻

次尹進士班相贈韻

春水滿四澤月課代人作

次韻贈別朴奉化還京

次太初上人韻

又次太初韻

與遂庵訪仙巖洞

其二

其三

其四

向忠州暮到遂庵家

黃江道中

其二

次趙交河敏行寄來韻

次醉夢李判書美叔秀彥寄示韻

雨中登亭

舟中呼韻

其二

島潭舟中次亞使金天用致龍韻

次韻寄忠牧趙長卿亨期

水村集卷之三

詩

鏡湖岸移小梅植瓦盆置卧理軒

壬戌

早春雪微消杖策登湖岸於焉得小梅
 睠之興一歎摧殘有數枝剥落餘古幹
 憐汝積困悴標格猶可玩携鍾斲孤根
 手自移山館瓦盆置床頭土培仍水灌
 枯查春意回病柯芳魂喚最愛寒影疎
 澹月窺窻畔莫言衆所棄自是百花冠
 芳蘭昔被鋤老桐曾遇爨懷奇未見識
 古今同一貫而余亦畸人譬若溝中斷
 離居苦幽獨喜得賞心伴恨乏廣平手
 賦汝一揮翰

上尤齋宋先生

憶昨華陽負笈行及門心骨自然清詠歸川上和風
襲燕坐巖前霽月盈聞道山齋重整頓夢來谿路尚
分明平生一部文公集何日摳衣學得成

其二

咫尺頭流在眼中病來佳約負秋風非緣吏役拋難
得自是塵心擺未空天外片雲吟釋子月邊孤鶴夢
仙翁芒鞋竹杖從今始玉洞桃花萬樹紅

山陰道中

載酒稽山獨自行水邊巖壑畫圖明春來亦覺饒清

賞誰道秋冬始有情

丹溪道中

丹溪流水遶丹丘秀樹明沙洞壑幽羽客未逢丹未
就葛洪句漏愧三秋

換鵝亭畱別朴幸爾天與

竹外長江滾滾流紅亭暇日坐消憂蟬吟古樹涼風
起荷落空塘宿雨收千里幸逢佳客至一樽須爲故
人畱明朝分手情何極秋草連天喚別愁

巡審田野至月洞

月洞村南湖水西到來秋景晚淒淒風吹枯蔓空荒

水木集
圃霜打殘禾只故畦自愧頻年逢儉惡更將何策救
烝黎津亭悵望停歸馭官樹蒼茫鳥欲棲

重陽

搖落秋霜後蒼茫暮水涯殊方人有病佳節菊無花
書信南來斷家鄉北望賒高樓歸鴈過寒月上湖沙

沙斤驛逢中興寺閣梨禪一題贈

白雲臺上白雲秋每憶中興寺裏遊今日偶逢禪子
語暮天歸思驛西樓

紅流洞次崔孤雲韻

興來扶病入秋齋身在煙嵐紫翠間石上長松松下

水與僧相對夕陽山

海印寺歸路寄李美叔

秀彥 巡相

聞道秋風玉節還強扶羸病爲登山千年寺迥層雲
外一壑溪明亂樹間勝地清遊仍別席美人高唱摠
愁顏歸來洞口頻回首片月依然在曉巒

喜雨

癸亥

入春方苦旱佳雨幸知時漠漠凝香閣霏霏洗硯池
已多郊外喜還有縣中奇移得桃千樹分栽鏡水湄

次李春卿

以榮

暮登寫經閣韻

青山影裏鳥飛迴江水溶溶遶古臺一抹村煙殘日

水村集
落數聲漁篴暗風來登臨畫閣隣蒼竹歸去吟筇破
綠苔欲識主翁今夕與淡然微月在新梅

次春卿曉坐凝香閣韻

睡起江樓曉依微月掛簷添爐煙脚細抽匣筆頭尖
冉冉梅香入霏霏竹露霑要看天半碧高捲近山簾

次春卿詠梅韻

絕艷初先臘高標自傲霜扶疎依竹閣點綴照荷塘
瘦骨中含嫩娟姿內保強清新超濁世皎潔冠羣芳
灞岸吟邊影羅浮夢裏香暗風驚逸韻微月恍仙粧
白玉休橫遂黃金更引觴一枝吾欲贈千里路何長

忽起春來感仍多歲暮傷三年東閣老爲爾未還鄉

示春卿

小邑官閒塵事稀更兼山水有清輝喜君千里能相
訪憐我三年苦未歸近渚草生魚欲上曲欄花發燕
初飛登臨處處皆詩料吟弄春來且莫違

再疊

江館寥寥客到稀坐來汀月已生輝沙邊宿鷺收拳
立橋上行人帶影歸萬壑松鳴琴韻響一庭梅落笛
聲飛官樽剩有新春酒佳會今宵不可違

換鵝亭夜酌別李郎

裊裊清歌和急彈小亭樽酒不成歡桃花亂落春將
暮桂魄高懸夜欲闌嶺外來遊應有數世間離別太
無端鑑湖水上稽山色叵耐明朝獨自看

春盡日渡鏡湖遊烏石村登春羅龍淵兩臺

報道韶華是日殘急呼舟子泛輕蘭汀花岸柳依然
景鏡水東頭盡意看

其二

王孫芳草喚愁青鏡水東流不暫停千里未歸春又
過客遊天地一浮萍

其三

臺前春水碧如羅臺上青桐覆兩柯坐愛石間層躑
躑夕陽紅影照清波

其四

千尺危臺獨俯臨亂藤幽壑水聲深今日智僂嗟未
得邑人寧識醉翁心

對雨

頭流山雨帶煙霞霑灑臨湖縣宰家春去羈懷無處
寓晚來詩思忽然加輕鳴窗外千竿竹細濕庭前一
樹花巖下石泉添活水爲呼童子試新茶

我馬蒼

乃木集
我馬蒼君馬赭以我馬換君馬我馬驕雄宜壯士君
馬性馴合儒者一言相許兩無違不論黃金價高下
君馬來我馬去圍人牽出長鞚把臨分若有戀主意
眷顧依依不忍捨請君騎我馬感踏胡虜安宗社我
將騎君馬尋梅訪竹行山野君莫辨駑駘與騏驥于
今伯樂其誰也

月夜登製錦堂左麓臨鏡湖

青山雲盡月華生十里平湖似鏡明北岸長松南岸
竹悄然唯有子規聲

夜坐

岑寂空庭淡月明小齋無語坐三更微風吹動千竿
竹窗外蕭蕭作雨聲

湖上對雨

細雨霏霏風滿樓鏡湖煙浪拍汀洲平郊落日行人
絕渡口閒橫一葉舟

縣齋夜會贈趙聲伯

鳴遠并序

山陰嶺外之僻處也邑有湖山亭觀之勝而
獨余塊然鬱鬱無與語者境與丹丘接丹守
趙景冠氏卽余舊日寮長而兄事之者也聲
伯以景冠氏之督趨庭之暇遂來相訪一見

莫逆也蓋其溫雅之風翰墨之才既不可易
得而况聞受業於老先生之門下其同門之
義尤大矣聲伯雖與相遇於洛下家居之日
尚宜傾倒矧今邂逅於天涯寂寞之濱其得
之而相樂不翅逃薶聞楚古人所謂忘年友
非謂是耶聲伯爲同公車之業往來相會三
年於此矣其文墨之遊戲山水之放浪真世
所罕有今之來也適余將罷歸與之並枕竹
齋明燈清晤者五夜而別於別之夜聲伯曰
不可以無志也遂題此以贈

握手情如舊開心恨未曾知從大老學喜得少年朋
秀骨真仙表清詞哲匠能裁洋交旣密文酒會相仍
鏡水梅疑雪稽山月若冰林霏看夕散江靄對晨凝
瘦石孤竿客危橋一錫僧徵歌飛鷁泛吹篴換鴉憑
春日蘭亭集秋風赤壁登筆驅波萬頃詩聳岳千層
解榻繙青簡傳筒染白藤菁華憐我退藻思愛君增
獻玉才同屈懷銅寵獨承三年推不去五斗愧難勝
北望誠如馬南爲意似鵬爭欣聞管籥遙賀祝岡陵
卧閣閒堪詫催科拙自稱方吟彭澤賦敢望諶川徵
彩鵲恩書布雙龍喜氣騰一樽清夜語窻竹照寒燈

聲伯出今日先以二十字排韻以書逐字填句有若
次韻且必刻燭速成違者雖佳不取遂如約同賦

元日雪 甲子

忽忽四序易成功貞則還元理莫窮正感天時回北
斗更驚春雪落東風清增山室仍生白寒勒江梅未
放紅靜坐蕭然塵不到一枝香裏對叅同

春感

五載湖亭北望家漢陽歸路夢中賒窮鄉雪裏生春
色遊客天涯感歲華甯子老懷憑白石葛公初意負
丹砂東風解綬吾當去江上耕田趁杏花

感夢

昔別似隔晨居然過一紀斯人不可得悼惜終未已
新春百感集閨寂空齋睡婉婉平生儀忽爾來夢裏
同居如宿昔言笑多歡喜琴瑟皆靜好看醅更嘉旨
幼女學母粧稚子讀書史家和樂且湛謂與梁孟比
遠遠一枕驚怳怳失余美向來金玉音琅然猶在耳
此心既匪石有情那禁淚人間寂可傷一生與一灰
曠懷不但化媿殺南華子悄悄坐無言窻竹悲風起
鏡湖雨中喜丹丘生至呼韻共賦

醉後吟肩不覺高一樽風雨對詩豪平臨越水新開
鏡剪取吳松豈待刀消却客愁紛似雪起來春興湧

水村集

如濤佳期莫負清宵月我有湖邊萬樹桃余於去年春沿鏡湖

兩岸栽桃杏
累千樹故云

丹丘縣齋春夜與趙聲伯呼韻共賦

丹丘石路鏡湖東湖水溶溶碧海通客子出門仍勝地主人虛館即仙風簷邊嶽雪猶含白庭畔山桃未放紅相對此時成一笑世間塵慮淡然空

寄張斗以

換鵝亭下見梅新苦憶光風樓上人嶺外宦遊俱作客天涯物色又逢春雲橫智岳參差岫浪打鑑湖寂寞濱自是世間清絕地悄然幽獨恐傷神

其二

高捲疎簾獨倚欄冥冥風雨滿江寒紅迷村落落花千樹翠壓汀洲竹萬竿景物漸佳增客恨湖山信美共誰看分明昨夜還鄉夢飛到龍門八節難

趙聲伯聞余欄字韻和寄二首次韻以報

隱隱簾櫳曲曲欄倚空樓閣夏猶寒蘭亭醉墨羲之筆鏡水狂歌賀老竿已識江山閒者主請携詩酒故人看龍巖石上清宵月載滿孤舟下細灘

次聲伯寄來韻

三月江南鶯亂飛換鵝亭外柳依依呼兒臨水青藜

九和集
杖有客從山白衲衣村路偶逢耕叟語煙波遙望釣
船歸天邊落照低孤嶂一點殘紅歛夕輝

其二

宦遊蹤跡似蓬飛離索天涯少所依爲問專城銅墨
綬何如初服芰荷衣春光冉冉愁看盡鄉思搖搖苦
憶歸我卜菟裘君識否漢東山水有清輝

次趙聲伯寄贈韻

竹齋閒卧動經旬傲吏如吾有幾人射策元非求宦
達佩符初是爲家貧一床書在心還樂千首詩成意
足申自笑五年推不去又看花柳鏡湖春

丹丘縣齋與張斗以金太初沆趙聲伯呼韻共
賦是日三月望也

黃昏來赴故人招政值浮雲捲碧霄四縣江山唯此
地一春花月最今宵詩情已洽三杯後歸路渾忘百
里遙明日新安回首望綠楊芳草渺層橋

登途

人間苦多事愚智俱役役况我宦遊者焉能靜棲息
初來山水縣卧理喜幽閑奈何迫公務數歲不暖席
東風吹征衣又出正谷驛依依去湖隈杳杳指海曲
自笑常跨鞍髀裏皆消肉官微任奔走敢歎賢勞獨

唯憐久不休乾沒負心跡山居有誰爭激流復枕石

丹溪望武陵

丹丘自是羽人仍更有丹溪接武陵再到真源畱不
得始知仙路杳難憑架巖茅棟孤村僻挾岸桃花萬
樹蒸對此益歎身世拙此生何但媿孫登

新翻村滯雨

細雨殘春夕孤村遠客心山從梨嶺峻江到草溪深
病骨疲征馬羈愁惱怨禽無人慰幽獨隱几漫長吟
臺巖村登樓

江畔迢迢客路賒倚樓懷思渺無涯殘花滿地春將

盡芳草連天日欲斜誰識賈生長去國自憐王粲又
離家塵埃吏役真堪媿贏得東風兩鬢華

永川朝陽閣用板上韻示主倅柳兄有道命才

連山積水勢彎回極目茫茫大野開風雨落花春已
去樓臺斜日客初來登臨漫詠王生賦潦倒新停杜
子杯且待遙空新月上畫欄東畔爲徘徊

朝陽閣

千尺飛樓倚半空勢如吳楚圻南東山圍大野微茫
外江走平沙浩渺中自是朝昏殊氣象更兼風雨助
豪雄登臨斗覺詩懷壯誰道巴陵句未工

暮春與居昌宰金太初趙聲伯盍簪于安陰宰

張斗以縣齋呼韻共賦 乙丑

官閒縣僻住溪涯時把漁竿下白沙兩地相思春已暮一樽高會日初斜東風忽送千峰雨南陌仍催萬樹花且倩龍眠輸此景與君歸向洛城誇

其二

自笑鮎魚上竹竿六年為客宦情闌日邊歸鴈隨春盡天畔羣山帶雨寒故友相逢宜耐醉殘花欲謝更須看良辰易邁佳期促秉燭寧辭竟夜歡

向靈覺寺途中

暫脫塵間累仍成物外行花藏仙洞秘龍隱石潭清細雨晴還灑斜陽翳復明逢僧問蕭寺遙指白雲生

靈覺寺次趙聲伯韻

為惜春將盡來登雨後山路穿危石上寺在亂松間谷鳥清幽耳林花靦暮顏居僧能愛客勸我莫催還靈覺寺次張斗以贈別趙聲伯韻

別語何須索相携到處詩偏憐如玉秀仍作斷金知對月連床促看花步履遲歸時鏡湖路樽酒更為期愁送臺次石上退陶先生韻

一壑俱奇勝高臺最絕佳澄波花影倒危石樹陰埋

寂寞先生宅悲涼小子懷登臨不忍去春日下西崖

秋思

蕭蕭疎雨打芭蕉病起空齋晝寂寥忽覺鏡湖秋思
動碧梧庭畔有新蜩

換鵝亭病後謝張斗以來訪

秋江物色坐來佳竹外漁燈照石崖快閣閑襟今夜
寂異鄉吟病兩人皆隔簾杜宇清難歇滿榻稽山碧
未排倘使吾君不相訪可憐幽獨若爲懷

得家書

幾歲專城奉今年盡室歸糧無一甌貯屋乏數椽依

書信交摧謫姻親競笑譏平生安拙分吾道未應非

次許珍叔

叔見寄韻

官扉無事掩斜陽病裏空尋肘後方千里戀君瞻
斗極六年爲吏媿銅章心飛木覓山前宅夢繞楊根
峽裏檣欲試藍田餐玉法不須歸去歎空囊

丙寅元日

丙寅

此地仍爲客今年又見春推擠蹲不去濡滯坐何因
盤乏椒花詠杯傷栢葉新蕭然鏡湖長長嘯鬢成銀

卧龍亭次壁上韻

細雨濕汀沙我來披綠簑雪消梅始放春動水微波

山樹籠危石村煙冪遠涉桐鄉去後夢應到此間多

安陰縣留別張斗以

嶺外同分竹三年共浪遊吾今解官去君獨抱痾留
細雨催離酌清歌動別愁春來多少感知在仲宣樓

次李汝挺寄贈韻

心期喜托孟東野眉宇愛看元紫芝科甲莫歎遲暮
日詞華不減少年時歌傳白雪人誰和琴奏高山我
獨知一夜新梅開映樹到來窗外忽相疑

曹萬聚將赴清道會宿其第叙別次洪九言韻

以贈丁卯

離樽此會摠詩流酒後詩情夜更優三伏炎蒸收積
雨一天星月滿虛樓之官瀟灑陶彭澤抱病清羸沈
隱侯我輩雄飛應有日莫教吟鬢老南陔

苦雨

淫霖積二旬溽暑值三伏陰陰四天垂漠漠一雲冪
輕霏勢漸大驟注聲更暴晝厭虛牖濕夜苦空簷滴
或恐屏翳怒手挽天河折人言漢江水已浸堂峴陌
泥濘深沒膝道上無行跡我屋既漏甍我垣仍頽石
綠萍生前庭青苔上四壁竈鼃昔所歎釜魚今復覲
久甘子桑飢誰貸監河粟悄然車馬絕脫巾卧終夕

君子窮恐濫處士貧亦足古人貴守雌願爲天下谷

與沈一卿

漢柱

夜會尹仲綱

世紀

第用石洲集

中韻同賦

終南積雪霽寒霄簾外飛花照眼搖一巷東西家住
近十年南北夢魂遙逢迎却解曾懸榻來過偏憐再
渡橋詩酒淹留歸未得坐看窻月上殘宵

早春偷隙訪張斗以山家呼韻共賦

戊辰

春景城西尚未華獨騎羸馬到君家偏憐雅志窮逾
固自笑詩情老更加臘後山梅初落蘂雪中溪草始
生芽留連杯酒忘歸去窻外殘陽忽已斜

贈別洪汝廓

萬恢

赴安岳

楊山從古擅雄腴人道西方第一區春至魚鰕盈罟
留月明歌管動艷觥問渠手把郎官筆何似腰橫太
守符祗是諸兄俱遠隔錦城雖樂與誰娛

尹都事復元

以性

挽

堂堂三節日星垂雙壁聯輝更絕奇雅望英才流輩
冠清規至行士林推平生既托同門義未死能忘伏
閣時人與琴亡無限痛可憐唯有子猷知

贈別洪季和

萬熙

赴白川

聯翩五馬向西州天爲吾君愜所求隣郡已能同魯

衛隔江何況近松楸紅堆玉粒千困滿腥厭銀鱗萬
舶收更有登臨清絕地月明甘露寺前樓

送李伯凝

鼎命赴北幕

科場蠖屈晚初舒郎署遲回二載餘綸綍未裁東里
手韜鈴先掌北門書宸心自是憂邊切朝議何曾
待子疎聞說玉堂新薦鷓佇看徵命下天除

其二

元帥臺臨地盡頭鬼門關外路程脩雷鳴渤海三冬
夜雪下陰山八月秋出塞行裝携一劍望鄉懷抱倚
高樓君看常侍河西赴從古男兒貴壯遊

其三

寒雨蕭蕭濕菊花暮天搖落鴈南斜孤臣去國情何
極游子辭家鬢欲華大漠窮秋明獵火戍樓深夜動
悲笳知君自有詩千首幾處畱題護碧紗

其四

少小交遊鬢已殘到今離抱莫能寬人情蟬翼嗟皆
薄世路羊腸覺漸艱病骨豈堪邊塞苦貞姿好保雪
霜寒遙憐旅館思親夢應向長安夜夜還

玉吉村感懷

蕭蕭寒雨過孤村寂寞柴門返照痕經歲重來埋玉

地晚風和淚灑秋原

新昌旅舍 己巳

宿客夜扣扉雨餘茅舍淨明月子規聲滿庭秋樹影

贈北隣李君

屏跡西湖上終年病掩門不眠吟夜雪無語負朝暄
靜趣存書几閒情對橘盆賴君時訪我相與講鵬鯤

李來學
莊子

其二

聞說丹陽峽深蔽小洞天松懸千嶂月花覆一溪煙
架壑能通逕燒原可起田何當共君去福地送餘年

李說丹陽有異境可以
棲隱春來將欲往尋云

元日 庚午

元日無人到蕭然獨掩關長風吹雨雪終夕暗湖山
活計貧逾樂襟懷病益閒春來明鏡裏一任鬢毛斑

送李汝挺赴梁山郡

憐君洛下苦棲遲老向江南把一麾世路即今難着
足我曹何處可開眉須知東閣鳴琴日猶勝西庠倚
席時歸鴈乘春飛正北有懷頻寄故人詩

贈金察訪應南

到老恭逾甚循墻有古風話言多可敬詞賦一何工

我自憐其志人誰識此翁萍蓬江漢上相對歎途窮

閒興

幽禽相喚夢初回扶杖前階步碧苔
頰有閒花長伴我薔薇落後海棠開

其二

松陰兀坐俯江流長夏孤村轉覺幽
風送櫓聲時輒輒綠楊枝外有行舟

次元命汝

聖俞

水雲亭韻

一竿清趣慕羊裘江水江雲寄浪遊
水帶山光侵檻淨雲移樹影傍簷幽
閒居嘯詠身將老浮世功名意

已休我亦臨江成小築心隨雲水共悠悠

其二

知君詩有謫仙才况值秋風上古臺
漢水縈迴明鏡轉龍山隱映畫屏開
休拈栢府凌霜筆且把松亭對月杯
竟夕閒吟誰作伴白鷗飛去復飛來

次趙氏家藏帖尤齋先生韻

至孝淳忠世足師美聲奚但一時推
名畱粉社旌閭楔澤在桐鄉墮淚碑
要識乃家先德厚請看餘慶後孫綏
人間寶唾今難得泣誦尤翁卷裏詩

呈松都南宮少尹

銜

追憶平生嶺外遊居然二十五回秋松都少尹猶紅
頰麻浦閒人已白頭往事浮雲空夢想故情斜日且
淹留霜風浙浙吹缺舍錦樹寒花滿目愁

復和

不是長卿故倦遊寒驢喜踏萬山秋境逢詩酒方開
眼語到功名已掉頭交契本來無老少離情偏自惜
分留依然曉月當窻白斷續鴻聲動別愁

謝沈一卿來訪

故人來訪月黃昏吟病相如正掩門喜極南昌催下
榻情深北海未開樽天寒落葉堆虛壁夜靜歸潮打

遠村語罷悄然仍獨卧映窻疎竹小燈痕

盆竹

裊裊寒枝秀叢叢碧葉疎最憐窻畔影清映一床書

盆橘

手種江南樹孤芳托素襟誰言渡淮變畱待滿枝金

趙聲伯與金至叔携酒來訪要余登兩宜亭舊

基眺賞呼韻同賦時趙郎亦從辛未

携酒誰尋病客媮笑呼漁艇買雙魚飛花郭外春歸
後細草郊邊雨過初絕岸開襟江浪濶古亭移席樹
陰疎人間俛仰成陳跡須記茲遊石面書

其二

登臨恍若列仙居
亭下江清可數魚
茅店遠依煙樹裏
布帆齊上暮潮初
狂吟迭和塵襟豁
野酌無巡俗禮疎
却笑右軍脩稷會
謾留名譽數行書

其三

三載離塵濠上居
從容至樂我知魚
殆同阮子悲窮轍
誰道孫公喜遂初
新趣獨留漁艇在
舊情皆向雀羅疎
看君氣義非今世
眷眷江村數枉書

其四

柴門處處逐江居
舟集澄潭盡網魚
晚樹啼鶯移席

後落霞孤鶩倚筇初
三生物外深盟在一
醉樽前萬慮疎
欲別斜陽有餘戀
更吟佳句爲君書

贈別李汝挺謫扶餘

相看脉脉動悲歌
郭外陰雲帶雨過
衰境別離元不可
病中遷謫更如何
燕臣獄裏飛霜雪
楚客江頭製芰荷
此去定知詩有助
落花巖畔月明多

趙文義之耘挽

滄江翁是少微星
人道其兒有典刑
一面便知非俗士
兩心相得到衰齡
功名墨綬官何薄
塵世黃梁夢忽醒
數幅梅花今獨在
手摩遺墨淚雙零

病中寄沈一卿 壬申

花開江北與江南春水粼粼綠似藍景物正佳人抱
病卧聞窗外鳥喃喃

其二

欸乃聲中午夢回小窗今始向江開漁舟處處催拋
網報道河豚正上來

其三

東風十里杏花洲細雨煙波沒白鷗孤負一春登眺
與夢魂長在水明樓

到黔陽遠地村亡姪喪家李聖老來話而去臨

歸却寄

一江南北各分居相望盈盈十里餘我輩漸知衰病
甚比來殊覺過從疎時當野樹花殘後行及田家雨
歇初此地可堪重作會晚風吹淚滿歸裾

謝辛重三 聖重 來訪

忽喜平生友來敲水上關可憐俱病肺相對兩衰顏
作吏名還薄歸田食更艱慙慙卜隣約欲共暮年閒
雙鳥寄沈一卿

滄洲有雙鳥白雪耻毛羽朝戲玉沙潭暮宿瓊花樹
翩翩共來往自樂無所懼一鳥羈網羅暫入東華住

平生皎皎衣盡被緇塵汗鴟得腐鼠嚇雀爭殘粟妬
渴飲寒泉水舐觸逢牛怒翻飛返故巢雙鳥重相聚
清江靜夜月依舊明如素方知一枝安始覺黃梁誤
爲問籠間縲何似澤中步雙鳥更相語勿向人間顧

又次沈一卿寄來再疊

日午空齋靜庭禽閒刷羽薰風自南來時動簷前樹
旣無外物侵焉有中心懼蕭然數間屋寂寞臨江住
清江與白雲皎潔無點汗不憂俗子爭但怕化翁妬
自息淵明交又去孫登怒久已忘榮辱何曾戀散聚
倚杖觀魚鳥隱几對竹素苟非暮年悟幾使平生誤

賴有遜湖翁西林鶴引步知我苦索居時時肯相顧

又次沈一卿寄來三疊

隱侯有佳質燦燦五色羽胸襟瑩冰壺標格皎玉樹
清詩繼家聲警語令我懼樓居更奇絕爽若神仙住
夙抱幽閒趣肯爲名利汗嗟嗟明月珠竟被魚目妬
得且不足喜喪亦奚足怒祗幸吾二人靜界得相聚
手弄山水絃心期托雅素江湖終老約勿令中道誤
閒宵白沙洲乘月可緩步且解陳蕃榻佇待徐孺顧

三浦與洪九言夜會拈韻同賦

癸酉

相逢恰是故人三雪後騎驢會水南老去未除湖海

水村集
氣病來猶作酒詩談江邊竹石新將就關外山川已
遍探峽裏有田歸未得對君還覺日頭慚

砥平縣齋夜飲

龍門山色倚層霄窮峽春深雪未消騎馬獨來仍勝
境剪燈相對卽良宵官醪凸酌寧辭醉寒月縈牕不
肯凋會待巖花開爛熳一筇同踏寺門橋

遯湖在笏軒拈韻同賦

萬點花飛春色闌強扶衰病共君歡傾來舊釀傳金
竿煮得新魚上玉盤細草和煙侵坐暖小軒臨水覺
衣寒畱連莫惜消良夜自是人生會合難

次楓巖洪道原寄來草堂詩韻

臨水依山闢小堂滿纓塵土濯滄浪須知城市輸農
畝寧把官曹換睡鄉南嶽雨收添遠翠北窻風至有
餘涼從今栗里閒居趣松菊琴書一味長

又用前韻寄楓巖

病卧江湖獨掩堂鏡中鬚鬢盡滄浪閒情嘿在無心
境清趣吟成得意鄉雙鷺池荷霑細雨一蟬庭柳報
新涼憑欄極目生秋興門外連天漢水長

田家

蕎麥花明豆葉黃傍陂籬落帶斜陽門前水稻離離

卧九月秋高未隕霜

卽事呼韻走筆

蕭蕭江雨濕秋煙推却前窻向水邊黃菊開遲籬下
露白鷗飛近鏡中天三公不換幽居勝一醉何妨累
月連暮歲行藏君莫問老夫今已謝塵緣

送元命汝赴北青

驪駒歌罷動行軺北望關山萬里遙驛路舊遊曾一
劔塞垣新夢又三刀霜飛絕漠聞回鴈日落平原見
射鵬何似水雲亭上卧滿江秋雨落蕭蕭

次靜齋沈道明轍寄贈韻

曾爲嶺海兩浮萍隣作蘇杭幾閱蓂晉水秋風聯皂
盖鏡湖煙月醉紅亭名區歌詠曾千首浮世悲懼倏
十齡城市卽今來往濶白頭江漢任飄零

瑞山花邊村訪尹叔兼之贊新居用栢谷集中

韻甲戌

携家移卜灤西東憐爾生涯似杜翁一壑遙臨滄海
上數椽新架白雲中春來野竹和煙碧臘後村梅帶
雪紅從古江山清絕地托棲終不換三公

瑞山郡齋與主倅趙子直會宿口占以示

衣濕伽椰洞裏霞武陵臺下使君家逢迎相訝舊顏

色羈旅仍驚新歲華無限西湖今夜月未殘東閣早春
花一樽清晤情何極且賦詩篇醉後哦

其二

梅梢新月掛如梳水國春生雨歇初官閣偶成三日
會故人相見十年餘西州傲吏携孤鶴東海閒翁釣
巨魚閱盡滄桑頭共白笑來榮辱揔歸虛

畱贈從兄

壁

萬株松下一孤村西望平郊接海門物外幽居唯栗
里世間何處是桃源潮聲卷岸鳧鷖亂蜃氣浮空島
嶼昏最有奇觀雙石立夕陽明滅望中痕

尹叔兼追到栗里叙別拈韻共賦走筆相贈是

日大雪

昔與故人別今與故人對故人天下士文章假大塊
心在羲皇上手拍洪厓背襟韻淡無累標格奇絕代
掉頭西入海海上山如黛巢許縱莫追沮溺猶可逮
鷗鷺托深契雲煙饒異態平湖一片月最入閒中愛
時泛太乙蓮樽酒舟中載迥出塵埃外逍遙樂自在
不意與斯人並生今世內相分路幾重相憶歲已再
辛勤遠訪來石逕馬蹄碎握手一相笑依舊好氣槩
閱世苦變幻叙懷多感慨劇談三日夜媿媿情不耐

對榻到河傾歸鞍抵星戴憐我卧江湖十年愁病肺
強吟贈君詩翰墨久已廢欲發且復畱大雪前山晦
上元夜雪月皎然栗里從兄宅與尹叔兼會飲
此會真奇遇今宵又上元桂盈天上魄梅返雪中魂
老伯開蘭室親朋自漆園提携縱談笑相屬一瓢樽

其二

積雪浩然白更添寒月明樹堆珠錯落山疊玉崢嶸
出世心能淨超塵骨亦清始知王子興唯在剡溪行

其三

雪作花千樹仍將月代燈元宵賞已屢此景對何曾

客裏逢昆弟樽前得友朋明朝一分手離夢海雲層

又次叔兼畱別韻

花邊湖水深千尺何似今宵去住情惆悵臨歧分手
後一輪明月伴歸程

次韻題李叔固堡傍隨窩

遲遲暖旭照窻東正覺陽回木帝宮獨過前川閒自
適仰希先哲樂相同汀花得意含朝雨岸柳無私鞞
晚風看取蓋頭茅一把是窩求拙不求工

次韻題金仲惠盛進寧貧堂

架石依林屋數間占來佳境破天慳一溪明月桃花

水萬壑清風桂樹山青瑣夢回瞻日遠紫芝歌罷望
雲閒柴門車馬終年絕時對田翁爲解顏

伽倻寺

古塔金鈴語夕風一筇來擲虎溪東
厖眉老釋迎相引雪覆虛庭院院空

馬上值雪

漠漠陰雲釀雪來一天飛絮又飛梅
東風匹馬西歸客携得春光滿袖迴

歸路馬上口占

江上歸家客湖中借馬騎新春仍作伴
殘雪獨吟詩

形役身無暇年衰病不辭行裝吾自笑
僮負一花枝到家

囊空不得駐松楸仍作萍蓬故倦遊歸及吾
廬貧亦好破柴依舊偃江頭

四月十三日病中伏聞 中殿復位不勝慶抃

敢用言志

恭聞 魏御返重宸悔悟 荃心快降綸日月雙懸
羣品正乾坤再定衆生親浮雲一點明何損白壁微
瑕洗更新從此吾東邦運泰周南歌詠遍臣民

稷山客館謾詠

已下飲水錄○公自敘曰余以
金吾郎受罪人睦來善絕島圍

乃木集

命甲戌六月十四日辭 陸七月初十日

日押到康津縣新智島栴棘封門二十二日復

命往返凡三十九日行路無賴不能無吟詠得詩

若干首合錄一編名曰飲水錄蓋用朝銜命夕

飲水之語而且當盛暑

故云○今選十五首

華軒縹緲敞雲天當暑登臨意豁然睡罷清香凝枕
席檻前風動滿地蓮

尼山客館次板上東岳韻呈主倅崔使君 寓

監押非尊使尼山亦小官幸投公解淨稍覺旅懷寬
得雨花香重無風竹影安饋賓多厚意今日始加餐

益山訪見女息

若非乘傳過焉得訪湖居久別音容隔相逢夢寐如

我猶孩看汝爾以老傷余歸路期重見忽忽且拂裾

朗州對月樓次板上石川韻

雨歇高樓山色多獨來登眺思無涯蠻鄉際海三千
里漁戶憑城數百家近砌碧梧初隕葉滿池紅藕已
殘花鬢懷搖落秋風早且倚雕欄待月華

對月樓滯雨

雨色蒼茫風滿樓海天涼意動新秋黃昏獨倚欄干
立滴瀝荷聲摠客愁

聽潮樓二絕

千尺飛樓倚半空灑然雙袂御冷風黃昏月上微雲

水村集卷三

詩

二十八

散眼底滄溟浩渺中

其二

七月潮頭撼海來樓中宿客夜聞雷
恍然驚起開牕望捲地銀山雪屋堆

馬島鎮

馬島爲邊鎮蕭條寄海門官名稱萬戶
只是數家村

智島放舟

舟人齊唱掛帆歌浦口秋風向晚多
波神似識催歸意百里青山一瞥過

其二

天畔羣巒點翠鬟夕陽遙望片雲還
秋風吹送帆無恙早泊歸舟萬德山

其三

船中何必載花鬟獨倚柁樓騁目還
天際妍妍眉黛綠舟人指點海南山

其四

秋水溶溶綠似苔早潮纔退晚潮來
金陵行客從雙島高掛雲帆向北廻

其五

千里歸人值早秋古今島下放行舟
西風吹向金陵

水木集
渚冬栢林中有寺樓

白蓮寺萬景樓次板上韻

孤舟解纜寶巖前緩步肩輿且訪禪門外喧雷朝碧海石間飛雪灑紅泉風篁蔽日寧知暑冬栢漫山不記年夜宿高樓逢皓月自疑飛過洞庭仙

七月望夜鰲山館東樓重過

迢迢江海帶秋迴何處羈懷得暫閑月到鰲山今夜滿風吹蟾殿故人來星河皎潔收微雨樓觀峯嶢絕點埃朗詠新詩仍不寐凭欄更進手中杯

渡漢

吏隱丹丘卧白雲此行深喜謝塵紛依然尚有終南戀欲去回頭漢水濱

其二

三載登臨駕鶴樓換鵝亭上五更秋自是吾身有仙骨一官今日又丹丘

黃江訪權徵士致道家

清江碧石照秋花信馬行行一逕斜臨水破扉閒不掩望來知是故人家

次豐基守任一之道三寄贈韻

愛君何但爲同宗深惜高才不見容伯樂謾稱知駿

馬葉公非復好真龍雲霄子失飛騰志江漢吾成放
浪蹤遲暮幸隣湖嶺郡願將詩酒數相從

島潭

玉潭秋水碧於藍中有奇巖削立三獨泛蘭舟看盡
日石門歸棹帶煙嵐

其二

層巖倒影鏡中天水色山光翠滿船境界難容塵一
點暮來秋月更高懸

次韋蘇州韻寄遂菴

悄悄歲云暮苦懷江上客寒颼吹飛雪一夜埋松石

山陰小舟興孤負明月夕遙知掩閒齋門外無人跡

赴忠州春操馬上口占

乙亥

三冬吟病閉門居跨馬今朝興有餘深峽雪消春始
動大江霞捲日初舒新詩得意知神助薄宦蔽身與
世疎無怪謝公頻蠟屐永嘉山水畫圖如

謝權生

變

來訪仍寄遂菴

桃腮欲綻柳眉舒春色依然到峽居千疊青山陶子
宅一灣流水戴公廬輕篔簹短篷閒隨艇棹几明窻靜
對書更喜阿咸來訪我妙年標格玉蘭如

解纜

孤舟解纜綠楊洲江水粼粼碧玉流山上宿雲猶未
散丹丘昨夜雨初收

其二

江盤峽束水如弓兩岸峰巒翠掃空一葉小舟隨意
去不知身在畫圖中

朝雲峰

朝雲峰接降仙臺一朵芙蓉向客開自笑楚襄今已
老莫教行雨夢中來

杜陽墓

杜陽丹妓也能琴善歌舞二十而夭遺囑葬

降仙臺對麓蓋其平生隨客遊宴之地歿不
能忘云

一點孤墳是杜秋降仙臺下楚江頭芳魂償得風流
債絕勝真娘葬虎丘

得月

船舷冥戛白沙灣洲渚蒼蒼遠近山誰識此行多所
得滿船能載月明還

早發

曉起清風江上村宿雲沙渚有餘痕丹丘向上多奇
勝催刺蘭舟入洞門

舟行

幽石澄波着處奇，每教歸棹故遲遲。
臨當欲去頻回首，情似佳人告別時。

其二

平潭如練十分清，一縷風來細縠生。
兩岸青山相照影，櫓聲伊戛鏡中行。

其三

蘭橈徐轉綠蘋洲，細雨江波灑未休。
玉筍龜潭看盡意，不妨斜日到丹丘。

玉筍遇雨

歸舟泝危灘，行入丹丘洞。亭亭玉筍峰，聳立特殊衆。
上刺青穹磨，下帶滄江控。三日再相逢，森然魄輒動。
霏微一陣雨，更值南風送。天邊紫翠色，吞吐雲煙弄。
縱目極清新，倚棹獨吟諷。仙颯吹兩腋，颯爽瑤臺狃。
是雨豈偶然，山靈餉大仲。欲別重回頭，恍若天姥夢。

自忠州舟還次李金吾

世遇韻

孤舟一葉汎潺湲，帶得清江細雨還。
歸到鳳亭明月夕，一樽重對故人顏。

鳳棲亭夜坐懷遂庵

自是丹丘絕世氛，更來虛閣坐宵分。
新秋水檻生涼

月積雨山簷有濕雲遠壑泉聲清歷歷半庭梧影白
紛紛相思不見黃江老何日連床討古文

次陰城宰尹衡仲

夏敬韻

峽中飛雨洗新秋無限詩情在水樓削出芙蓉千嶂
色噴來霜雪一江流青梧葉落蛩初語紅蓼花開燕
乍留欲下欄干仍更倚半輪山月上前洲

向永春途中

路出丹丘東復東灑然行色帶秋風深山八月霜飛
早無數楓林葉盡紅

與永春宰權君

斗寅

同舟觀北壁

翠壁千尋挿綠漪江光石色盪參差屏風九疊張雲
錦未必廬山勝此奇

次永春宰權春卿

斗寅韻

峽裏清霜下江山滿日秋携樽看石壁移棹艤沙洲
夕照蒼波急西風赤葉稠今宵有明月歸路更登樓

其二

作吏同爲隱浮江更值秋孤雲橫絕壁落日下長洲
峽口層巒合灘頭亂石稠煙汀初輟棹樹外有官樓

其三

玉露凋楓樹蕭蕭古峽秋相將青桂楫容與白蘋洲

鴈影遙空盡蟬聲薄暮稠歸來更置酒歌管動江樓

次答永春宰和寄前韻

官居分占水西東一會鳴鑼有古風寧免兒童齊拍手
山翁馬上醉顏紅

其二

朝來乍倚曲欄東浙瀝秋聲落木風十里沙洲疎雨
過荻花如雪蓼花紅

永春官閣示主倅

此邑甚淳古鴻龐似太初近山時友鹿臨水祇觀魚
吏趣鳴琴在詩情對菊舒蕭然無訴牒終日訟庭虛

次權幼晦煜寄來韻

積雪虛窻照孤衾凍作稜有詩梅贊助無睡月欺凌
冷淡官雖薄幽閒興獨乘仙經長在案綠字細如蠅

次尹進士珏相贈韻

嗟吾際明時垂白似馮唐棲遲五十年一麾卧江鄉
守拙且安分貧乃士之常君子貴達命何用苦相傷
吏隱山水窟吾不薄淮陽

春水滿四澤月課代人作○丙子

淡蕩山河淑氣新四邊陂澤水生春占來寒暑虧盈
理涵得乾坤發育仁時雨灑添平浩浩暖風吹漲動

粼粼江南處處如天碧無限煙簑月笛人

次韻贈別朴奉化還京

風塵落拓老袁安意氣猶憑酒後看丹峽淹留仙分
在白頭相對故情歡身閒子脫三生累形役吾憐一
味酸悵望歸舟隨水遠可堪扶病倚欄干

次太初上人韻

丹丘官閣元清淨况復溪山好月明對榻寂寥雲衲
影隔窻凄斷子規聲憐渠不語能禪定笑我吟詩太
瘦生坐覺萬緣都夢幻竺翁真箇最高情

又次太初韻

處處江花映玉流一春多病掩官樓潮州喜遇顛師
至擬作仙山數日遊

與遂菴訪仙巖洞

閒筇今始爲君擡未到仙巖興已催山鳥澗花皆若
喜玉虹飛處玉人來

下仙巖

其二

盡日相携坐樹陰爲憐山水有清音巖頭回首人間
世應隔千岑與萬岑

中仙巖

其三

山逾清秀水逾奇懸瀑喧流觸石飛我欲休官仍送

水村集
老白雲深處偃荆扉

上仙巖

其四

步步沿溪躑躅香飛泉如雨灑衣裳臨歸眷眷重回
首自笑吾行底事忙

向忠州暮到遂菴家

乍出丹丘洞裏天軟風吹送羽衣仙灘聲噴薄晴疑
雨山翠空濛濕作煙躑躅花紅春去後薜蘿草綠客
歸前今宵且喜多明月伴得黃江處士眠

黃江道中

行行不厭路歌危着眼江山畫出奇莫歎殘紅皆已

盡雨餘濃綠勝花時

其二

巖花落盡草萋萋四月深山蜀魄啼歇馬暫依松樹
坐一叢奇石帶清溪

次趙交河

敏行

寄來韻

官樓悄悄獨吟詩江樹花殘月掛枝峽裏三年歸未
得子規聲苦望鄉時

次醉夢李判書美叔

秀彥

寄示韻

聞起茅齋倚小渠解官歸卧暮春初門生村酌花風
後野老農談穀雨餘誰道明時輕爵祿自言衰境愛

田廬軒名醉夢真先覺榮辱卽卽一枕如

雨中登亭

山雨淋漓苦不晴夢回孤枕聽溪聲籃輿催到南亭
上坐倚虛欄看水生

舟中呼韻

扁舟西下復歸東催戛輕橈泝月中想得丹丘秋正
好兩潭霜葉待吾紅

其二

愛看秋葉與秋花江雨朝來洗白沙偶繫蘭舟孤樹
下青煙一縷是漁家

島潭舟中次亞使金天用致龍韻

相携何處汎蘭舟別有仙人洞壑幽異石通天疑箭
括奇峰浮水悅蓬丘江連漢上三千里山鎮湖中五
十州歸向鳳樓亭下路夜深歌管動江洲

次韻寄忠牧趙長卿亭期

磊落奇才冠漢廷瑩然冰翼照新硎懸河俊辯鋒無
敵倒峽雄詞筆吐馨噐遇盤根須別利化同風草不
煩刑何如白首丹丘守吟病三年卧鳳亭

水村集卷之三

水村集卷之四目錄

詩

早春寄遂庵

祭竹嶺祠齋宿

次趙交河寄來韻

次豐基守任一之韻

贈坦上人

黃江和致道

遂庵宅別慶尹洪叔範

爲候敬差夕發郡齋渡上津夜投買浦倉村

次遂庵夜坐韻

謝遂庵借自警編

次族孫璠韻

次一之韻

其二

次一之復疊依韻

再疊前韻寄遂庵

送別金台士肯構自清風移按關西

清風歸路馬上口占

喜朴郎弼稷至

向清風道中口占

其二

其三

惜花

次蔡同年錫疇告別韻

三疊求和

次四疊韻

六月一日雨後登亭

復登西亭

霧巖寺

歸舟

其二

其三

其四

題朴藍浦

世華

茅堂

贈別尹生萬舉客遊嶺外

次兩友遊島潭相憶見寄韻

其二

其三

其四

行野到村

次命汝演新字爲長律韻

自金灘乘舟向洛趙交河

敏行

在隣舟寄詩次

韻以報

其二

次蔡進士

錫疇

韻

其二

向仙巖路上

次元命汝贈別韻

又次絕句韻

命汝與余同舟到黃江將會宿叙別舟中用退

陶集中韻共賦

自丹丘解歸追和遂庵贈別韻

其二

和報遂庵別後相憶韻

次清風府伯元命汝別後寄惠韻

次沈緯卿漢章枕上感詠韻

次沈緯卿偶吟二律韻

其二

開窻閒眺寄沈緯卿求和

次沈緯卿復寄韻

更疊前韻寄緯卿

其二

三疊復寄緯卿

其二

四疊酬緯卿

其二

再疊前韻寄緯卿

其二

三疊寄緯卿

其二

夜雪寄緯卿

寄遜湖屹村兄弟

感春相憶寄遂庵

薄暮

寄清風伯元命汝

其二

江上對雨

次緯卿和示涯字韻

其二

感詠

李伯凝挽

寄趙聲伯玄石新寓

寄呈金昌寧夏錫戚丈

七月八日夜會緯卿家呼韻共賦

又次李進士彥珪韻李生將向永平

次命汝韻

追次李士常恒相贈韻

其二

李同知士常挽

贈別李京兆啓以光夏赴燕

幕歸

次遂庵寄贈韻

其二

自麻浦賣舍還京次趙聲伯寄示韻

其二

送韓慎甫永徽赴完山半刺

贈山陰僧禪洽

寄謝通川守鄭可叔快

其二

書簡尾寄沔川倅李仲獻

寄遂庵

鄭可叔次寄前韻復和報

李沃川鳳朝挽

次趙翊衛錫美龜祥詠直廬韻

朴都正泰長挽

次右相韻呈許夏昌壽席

席上次聯句韻贈別命汝赴鐘城

厨院鎖直與趙翊衛李直長太素挺天會話拈

韻同賦

大殿端午帖

其二

其三

李海州嘉仲 萬亨挽

其二

其三

其四

其五

其六

其七

其八

尹仲綱酒席醉次別俞仲英 命雄 赴成川韻

其二

別趙錫美赴善山

其二

贈別沈侍郎汝器 枰 赴燕

贈別李行臺周卿 世爽 赴燕

寫竹歌贈李周卿 志爽

次韻題朴士豪 世雄 秋曹稷帖

赴靈光李聖老俞正甫 正基 佩一壺出別於路

左班荆贈詩立次以酬

泰仁縣齋示主倅李姪弘

其二

以事到佛甲村臨溪對花

法聖浦次權亞使以鎮韻

次李生壽聃韻

與巡相韓公汝允聖佑遊邊山次來蘇寺示同

遊諸公韻

外別堂閒坐

法聖浦戰船習操

宿鳳停寺

睡餘漫詠寄金壽卿龜瑞

贈別報恩知縣辛君受和

其二

次金壽卿寄示韻

送尹叔兼出宰永平

其二

其三

寄銓相洪君澤受憲

次李甥以榮韻

乃木集

再疊

三疊

別禮安宰尹衡仲 夏教

次諸公賀姜叔九 錫範 加資韻

次沈縉卿盆梅韻

送黃子羽 一夏 赴萊州

大殿春帖子

其二

其三

追寄通川守黃翰卿 鎮 別語

次春卿與慶姪崇兒相和韻

李侍直益之 尚謙 挽

金龍宮 萬謹 挽

洪秀士 啓英 挽

別金天用 致龍 令公赴龍濟

任相禮 道三 挽

其二

金積城 壽徵 挽

暮春雨中寄元命汝

次金休徵 時瑞 醉中贈人韻

水村集

卷四

目錄

九

和國美

李東彥

獄中詩韻

贈別許水部珍叔

淑

赴黃山驛

郭夏叔

昌徵

挽

水村集卷之四

詩

早春寄遂庵

丁丑

江山不放未歸人三見丹丘峽裏春
洞樹巖花皆舊識澗魚林鳥自相親
琴書東閣無餘事水石南亭少
點塵矯首白雲生小白欲拋銅印訪仙真

祭竹嶺祠齋宿

古廟空山裏靈壇屹百層夜深峰吐月
春早澗含冰靜界羣囂息清齋萬慮澄
明神應熟我三歲薦嘗蒸
次趙交河寄來韻

僻郡蔽深峽官樓倚水居獨看花落盡誰訪病相如

次豐基守任一之韻

皂盖浮江下青山逐棹移境深嗟見晚春盡恨來遲
噴雪灘聲急撐雲石勢危不須勤索句隨處自成詩

贈坦上人

師從海上來問我山中景明月下仙巖滿溪層花影

黃江和致道

山中桃竹杖江上芰荷衣一笑相迎地閒花照石扉

遂庵宅別慶尹洪叔範

爲別東京尹來投處士家微霜初赤葉八月已黃花

節物撩心緒離愁亂髮華秋風一行鴈飛散暮江涯

爲候敬差夕發郡齋渡上津夜投買浦倉村

不因公事強相驅今夕誰能起老夫清夜江山無限
景依然身在會稽途

次遂庵夜坐韻

雪裏梅花落虛窻硯有冰不眠憑短几無語對孤燈
澹月低金鏡疎星耿玉繩相思至明發江上一高朋

謝遂庵借自警編

老覺文章不直錢愛仙耽釋摠徒然如今盡屏閒書
籍案上唯畱自警編

次族孫璠韻

携書來寄大江濱愛爾高才席上珍莫向郢中歌苦
調幾人能得和陽春

次一之韻 戊寅

東風殘雪上春初清坐儵然一室虛日下望君千里
外峽中爲吏四年餘病來司馬唯耽靜老去虞卿且
著書賴得吾宗賢姪會雄詞不與古人疎

其二

自從相遇得相依窮峽終年好客稀棲息莫嫌麋鹿
伴淹留須趁鱖魚肥深春携酒看花去閒夜聽琴帶

月歸最喜詩牋如束筍小奚朝暮叩官扉

次一之復疊依韻

詩魔交與睡魔依盡日身閒吏牒稀卧聽循除泉脉
細坐看穿塢藥苗肥久留丹峽非吾樂安得青春作
伴歸三浦煙波雙島月桃花洞畔有松扉

再疊前韻寄遂庵

我愛黃江老襟懷皎若冰春風詠歸杖冬夜讀書燈
至樂輕軒冕清規儼墨繩分山如可許沮溺願爲朋

送別金台士肯 構 自清風移按關西

乘春露冕向西關征蓋翩翩駟馬閒爲問練光亭下

水何如寒碧檻前山三年卧理曾多暇千里承宣且
濟艱從此仙巖誰共賞獨留明月照花間

清風歸路馬上口占

沿江而去傍江還來去不離江水間忽見數枝花暎
水夜來微雨過春山

喜朴郎彌稷至

五年江峽獨離羣愁逐春來未解紛今日始能開口
笑杜鵑花下忽逢君

向清風道中口占

林間石路細縈迴行訪青山綠水來陣陣輕風香滿

洞杜鵑花落杏花開

其二

峭壁攢峰重復重大江流水碧溶溶丹丘過雨杏花
發山鳥一聲春意濃

其三

丹丘客到清風峽繫馬巖叢坐石苔片片落花隨水
去使君應識故人來

時元命汝爲府伯待余

惜花

坐惜庭花次第飛山中日日減春輝殘紅數點猶堪
賞樹底移樽到落暉

次蔡同年 錫疇 告別韻

我昔紅顏子少年春風蓮榜共名懸樽從洛社花間
倒茶向琴湖月下煎意氣曾誇懷裏錦生涯今乏杖
頭錢男兒自有成功日莫道佳期老已愆

疊前韻求和

濃陰滿地日如年公室蕭然亦磬懸移得仙花隨手
種採來靈藥教兒煎霞生疊巘成丹綺苔點空庭散
綠錢高卧此間今五載不知何事是吾愆

又疊

丹丘爲吏已多年唯有歸心向日懸哀痛 王言聞

感泣顛連民事對憂煎誰憐勲業頻看鏡自笑文章
不直錢來去行裝書數卷更無餘物作身愆

六月一日雨後登亭

陰雨積一旬郡齋困炎暑煙嵐濕棟宇苔蘚滋柱礎
塊然處幽獨鬱鬱無與語今朝喜始晴宿雲捲洲渚
肩輿上西亭曠朗開懷緒青洗峰巒出白漲波濤去
敞戶對閒林褰簾俯平楚枕簟有餘清涼颺自遠嶼
仍呼堤上女撫瑟歌白苧半載無懽趣一朝遽如許
自笑峽中郡何異幽棲處淮陽我豈敢彭澤吾殆庶
獨携一樽酒悄悄慕儔侶手掇芳洲蘭日暮徒延佇

復登西亭

索居不自聊水榭展遊眺層溪勢激駛倒瀉喧巖竅
南匯羽化橋北注大江微亭前石可數清絕塵埃少
仙洞昨夜雨片片飛花漂空濛積翠濕繚繞羣巒峭
俯視閒魚泳仰聆幽禽叫風來水紋漣日落山光照
翛然心境淨可以觀衆妙地僻我自逸吏民豈相誚
平生厭紛囂至趣在漁釣偶宰山水郡隱者與同調
安得素心人賞弄共言笑欲歸仍更畱倚欄發孤嘯

霧巖寺

古寺藏深壑層蹊石作門樹梢飛磬響雲外落僧言

帶雨人初到登樓日已昏空將少一恨悄悄對清樽

歸舟

信口占詠

霧巖寺裏携衾宿寒碧樓前解纜廻爲是丹丘洞裏
王江山迎我畫圖開

其二

峽雨新添水勢豪白頭波上放輕舸篙師指點汀洲
沒一夜江流四尺高

其三

一灘纔過一灘存斜日西岑已斂痕不怕今宵無宿
處七松亭下有孤村

其四

盡日舟行積翠間更逢佳雨灑江山滄波渺渺兼天
淨中有飛鷗似我閒

題朴藍浦

世華

茅堂

谷口茅堂淨門前石澗清有時眠伴鹿終日坐聞鶯
野菜香堪嚼村醪嫩可傾閒居真足樂何必復專城
贈別尹生萬舉客遊嶺外

愛爾吟詩語可聞浪遊何事似浮雲遙知別後秋宵
月時夢丹丘老使君

次兩友遊島潭相憶見寄韻

丹丘物色入秋新昨夜江山雨洗塵舟上二翁亭上
老不知誰是畫中人

其二

琪樹西風錦葉新喜君秋賞迥超塵茫茫碧水三山
下能泊孤舟有幾人

右答權致道

其三

縹緲三山望裏新玉潭秋色淨無塵病來孤負同舟
興夢作閒雲逐故人

其四

山回水曲轉清新絕境何曾染俗塵入洞不畱催返

棹愧君行色似漁人

右答元命汝

行野到村

葛穀初紅豆葉黃山田八月有微霜腰鎌童子驅牛
語刈粟南村已築塲

次命汝演新字為長律韻

曉起高樓霽景新過江疎雨浥輕塵自來臨水依山
郡便作眠雲坐石人湖邊仙府隣元九谷口幽居近
子真為問何時更相訪丹丘一面是三神

自金灘乘舟向洛趙交河

敏行

在隣舟寄詩次

韻以報

隱隱羣山遠茫茫二水分行携沙上月伴宿石頭雲
同舫逢元禮倚樓得趙君雙南金在席茲會直千斤

其二

雙舟西下與君同千里煙波一望中天外層岑三角
近日邊歸路 二陵通長洲鴈落秋沙白遠岫霞生
夕照紅自有無聲詩在眼莫將吟詠費深功

次蔡進士

錫疇韻己卯

春江江水靜無波江上虛樓樹影斜客與主人相對
睡覺來衣袖滿飛花

其二

二樂樓前春水波降仙臺下暮山斜孤舟欲訪龜潭
去十里汀洲處處花

向仙巖路上

與李嘉仲尹就西同遊

行訪仙巖入洞來水丹花盡野棠閑携琴載酒窮源
後扶醉須教帶月回

次元命汝贈別韻

爲賞雙潭勝蘭舟幾共登江山俱作主來往迭爲朋
花滿水樓月葉飛秋寺燈吾歸君獨在唯有夢魂憑
又次絕句韻

杭白蘇元千古稀仙區此別最依依携將玉岫瓊潭

月寒碧樓前滿載歸

命汝與余同舟到黃江將會宿叙別舟中用退

陶集中韻共賦

丹丘秩滿解銅魚孤棹飄然返舊居近日作隣歡不
極暮年分手意何如高樓明月三宵夢歸鴈西風一
紙書最憶龜潭共舟夕滿江秋色葉飛初

自丹丘解歸追和遂庵贈別韻

尊鱸興發早秋時帶月歸帆掛正宜但使江山無恙
在一言終不故人違

其二

幽居清閨世間稀獨與蒼林翠石依寒水齋中曾宿
客不堪回首放船歸

和報遂庵別後相憶韻

將辭玉筍故遲遲漢水歸舟出峽時從此清風與朗
月不堪玄度輒相思

次清風府伯元命汝別後寄惠韻

客意遠隨江渺渺離情暗與柳依依偏憐寒碧樓前
月來伴孤舟向洛歸

次沈緯卿

漢章

枕上感詠韻

庚辰

六十居然過吾衰可若何心從進取少意向退休多

拋去盈箱素添來滿鏡皤君今尚未老春至莫長嗟

次沈緯卿偶吟二律韻

病卧江村值令辰歲華仍與雨聲新晴窗禽語迎晨
旭暖渚楊條洩早春門外久無尊客到案頭唯有古
書親從遊靜界偏相樂賴得休文卜我隣

其二

幽居分占灑東西來往何曾避逕泥春到江樓宜共
陟月明村酒正堪携功名自判無心取譎詠相誇得
意題浪跡郊原差足樂我徒工瑟不工齊

開窻閒眺寄沈緯卿求和

病蟄三冬若灰小窻今始向東開雪消山色青浮
黛冰折江流綠潑醅楊柳岸邊村犬卧薔薇架上野
禽來營營人世平生事輸與空齋晝夢回

次沈緯卿復寄韻

身同病鶻歎飛低苑樹何曾得借棲翰墨場中虛送
老利名關上更休迷桃花豈解能藏跡芳草無媒自
沒蹊別有世間清淨界一江春水浴鳧鷖

更疊前韻寄緯卿

昨宵葭管動飛灰漢水春冰忽盡開詩社勝情逢舊
伴江村樂事有新醅梅花已落東風起柳絮初生細

雨來却望戴公今不見小舟思泛剡溪回

戴公比
一卿也

其二

傍水漁村高復低數株松下卽吾棲人同栗里休官
隱地異桃源使客迷日暮尚扶登岸策春來不踏向
城蹊江花發後携君醉沙上時時伴睡鷺

三疊復寄緯卿

壺子形容似濕灰心機肯向季咸開成虧一致桐枝
弄憂樂都忘竹葉醅繞屋江山隨日好蒲天風雨送
春來於焉寄跡吾將老新自丹丘解綬回

其二

水村集

卷四

詩

十一

水木集
江天漠漠暮雲低村樹歸鴉已欲棲雨意蒼茫烏石
暗煙光掩映鷺梁迷前溪橋沒添新浪古岸沙崩失
舊蹊忽有郭熙圖上趣寂寥洲畔立雙鷺

四疊酬緯卿

濯我愁腸數斛灰清遊欲爲上元開垂竿幸有雙魚
得謀婦能無一斗醕莫歎瘴風吹雨至定知佳月破
雲來長江東畔樓千尺携得吾君盡醉回

其二

傍石依林破屋低自知褊性合幽棲雙流拆地層瀾
澗三島浮空遠樹迷滯雨船檣留淺港隔溪村落擁

回蹊忘機別有閒中友飛去飛來水上鷺

再疊前韻寄緯卿

獨木橋西小板門雀羅終日寂無喧江光入眼聊憑
檻春色撩心且對樽靜界從來閒者主道情難與俗
人言北窻高卧羲皇上何減潯陽栗里村

其二

前江昨夜雨初晴拍岸波濤入戶鳴隔水層巒多秀
色近林幽鳥盡和聲行看南浦桃將拆報道西疇麥
已耕以酒爲年詩送日鏡中休恨髮毛明

三疊寄緯卿

水村集
青山遶屋水侵門無復囂塵到耳喧弊褐懸鶉安草
坐濁醪浮蟻愛瓢樽栽花種藥當先務干祿求名且
勿言聞道賢豪方進用我曹端合老江村

其二

風驚松露小軒晴流水循除瀟瀟鳴遠岫雲霞開晚
色近汀鷗鷺送春聲將營茆屋牽蘿補欲貫粃田趁
杏耕手把義經無語坐靜窻閒几夕陽明

夜雪寄緜卿

卧聽蕭蕭響閒窻雪滿庭乘風誇散漫掩月奪清冷
夜白生虛室春寒透短屏朝來江上望失却數峰青

寄遜湖屹村兄弟

昔年題柱慕相如欲向天門獻子虛老去不爲當世
用少來空讀古人書顯揚先業青氈墜致澤初心白
髮疎五斗折腰真可愧春風歸釣漢江魚

感春相憶寄遂庵

抱病卧漢濱歲華忽已改汀草綠萋萋春江流浼浼
悄焉感時物我懷怒如餒春彼玉一人考槃澗谷在
矚然出泥滓獨立佩蘭茝昔我從之遊以滌胸磈磊
別來今幾日恍若彌年載豈止鄙吝萌省已多尤悔
山中卜隣約何必秋風待松根有茯苓與子期共採

薄暮

薄暮開窗望江山
畫不如殘霞與歸鳥
點點繞村居
寄清風伯元命汝
飽看丹丘處處山
孤舟滿載水雲還
爭流競秀渾忘却
唯有仙巖入夢間

其二

爲問清風老使君
碧樓誰與醉醺醺
新花細草催詩思
春入江山已幾分

江上對雨

霏霏細雨濕江涯
無限春光薄暮時
明日試看巖下

樹杏花應拆向南枝

次緯卿和示涯字韻

煙波北渚與南涯
岸幘長吟眺望時
帶雨歸帆多掩映
却嫌門外綠楊枝

其二

休道麻湖地一涯
繁華亦復在春時
漁村互與酒村接
門巷家家歌竹枝

感詠

室人告以糧盡柴絕
余笑曰然則當辟穀矣
每講歸農而計未就
偶閱東坡詩有便思絕

粒真無策苦說歸田似不情之句可謂先獲
仍感而有作
貧隨我住逐無緣奈此囊空埃不煙笑告細君當辟
穀默思長策祗歸田耕而代祿嗟誰禁仙則休糧恨
莫傳勿復營營求分外死生窮達摠由天

李伯凝挽

我將挽伯凝把筆先哽咽哽咽不成詩欲賦再三輟
何可竟無言此是死生別死生之交死生別欲說平
生不忍說我愛伯凝簡而靜我愛伯凝雅而潔伯凝
憐我戇且樸伯凝憐我疎且拙相逢一笑心莫逆誼

若金蘭情膠漆君向騷壇襲箕裘我窺詞場事輓輒
公車宿業老未休結榻多年共一室巷北懸燈聽秋
雨城南對酒看明月晚來同會二三子品格詞華皆
俊逸謔浪何嫌到爾汝騁辯相誇爭甲乙君才百中
若青錢桂枝再向蟾宮折歎我衰遲數益奇獻玉不
啻三抱屈浮世悲歡數十載中間萬事滄桑閱直絲
冰壺照兩心交情終始能如一我從丹丘初賦歸君
自銀臺適辭疾蹇驢往叩終南宅依舊門前雀羅設
多君榮利苦退避愧我塵埃猶蹙蹙歸來江上掩關
卧一病經年人事絕旬月之間再驚慟斗以先亡君

繼卒親朋此世只兩箇一朝盡為修文奪獨有西河
未成翁踽踽人間悲白髮嗚呼伯疑豈再得彩鳳蔽
霄蘭委質私情非獨絕絃痛一念且為君王熱子子
孤兒未成婚相國宗祀亦悽切吾今在世復幾何地
下多有相從日借問何人知我心養叔亦曾同硯筆

寄趙聲伯玄石新寓

滄浪亭子水西頭五月炎蒸爽欲秋蹴地層濤吞遠
嶼滿天飛雨打長洲元規不淺今宵與王粲聊消暇
日憂勝地更兼詞客在一樽江漢亦風流

寄呈金昌寧

夏錫 戚丈

東華無地可開顏屏跡西郊屋數間門外溶溶三浦
水簷邊隱隱二陵山蟬拖遠樹秋風至鴉帶孤村夕
照還睡罷詠詩消永日暮年心境喜清閒

七月八日夜會緯卿家呼韻共賦

一葉下金井新涼生此宵蛩吟喧暗壁蟾影吐層霄
喜有孤筇客來從獨木橋江流門外繞卧聽櫓聲遙
又次李進士

彥珪

韻李生將向永平

小軒新月數螢流江上歸鴻叫早秋半夜吟詩仍惜
別歎君蹤跡似萍浮

次命汝韻

孤棹來尋月落時水村烏鵲已棲枝家貧莫歎無兼
味身病猶能倒一卮江月滿窗俱不睡盆梅照眼自
成詩如今始覺安閒趣堪笑平生見事遲

追次李士常恒相贈韻

去年春余自丹丘過訪士常於洪陽別墅士
常歡甚語欸欸一夜握手而別追寄二律於
道次余和韻欲報遺忘未果而士常忽已千
古矣今檢篋得此詩杜陵翁人日之感不堪
愴然遂書寄其諸孤使告于靈座而焚之

蕭然田舍住溪垠投綬歸來一角巾靜界閒居真得
地暮年佳句更驚人春生海上山容秀雨過原頭草
色新別後應思今夕會屋樑明月是傳神

其二

悲歡今世杳無垠感淚悽然尚濕巾千里幾憑天外
字一樽相對夢中人懸車謝世行藏穩移竹栽花計
活新乾沒風塵吾可愧白頭朱墨謾勞神

李同知士常挽

我自哭公來掩淚南雲向今夏公到洛我公尚無恙
公歸未云幾何遽聞公喪嗟嗟耆舊盡牢落吾安放
我昔初拜公公實丈人行雅操見君子清文壓宗匠

爭言北溟羽可致青雲上如何一枝桂竟自他人讓
棲棲困朱墨老於州縣長清名與仁化舉世稱無兩
璽書累增秩華衮承 天獎一子早擢第晚慶人皆
仰天胡不終福奄抱西河愴商山老守腸斷盡哀猿
響投簪卧湖墅一室唯几杖顧余蒙許與契分年已
忘少托姻婭後風調猥見賞終南比隣居有詩迭酬
唱媿我詞華薄喜公藻思壯提携厚瞻輩步履頻相
訪看花喚琴娥得月傾家釀逮余叩盆日非公誰復
相慰勸匍匐情至今銘肺腑中間別離多幾勞雲樹
望前春過洪陽暫稅柴門鞅握手如夢寐話舊乍欣

悵多公就閒靜暮年精神旺何意厭斯世騎箕催長
往官亦二品榮壽已七袞享於公更何憾後事獨悵
悵悵涼舊時宅主喪唯侍養喟余悵失公白首徒悵
曩抱病阻遠路執紼負臨壙平生慕仰懷到此都歸
妄一篇薤露歌哀情徹穹壤

贈別李京兆啓以

光夏赴燕

燕山月出照燕山萬里燕山掛一彎明破朔雲隨漢
節冷舍邊雪入秦關荒郊薄帳驚鄉夢古館虛窗慰
客顏待得天東回斗柄好携蟾影渡龍灣

暮歸

遙望夕煙生江村杳何在孤吟獨歸人石逕蹇驢背

次遂庵寄贈韻

虛齋雪夜對寒燈歲暮江湖隔友朋忽得瓊瑤千里
贈勝來顏範夢中承

其二

黃江宿昔共青燈自是人間第一朋久覺此心萌鄙
吝別來清誨未能承

自麻浦賣舍還京次趙聲伯寄示韻 辛巳

高卧江湖十載餘侯門不願曳長裾自憐賣舍仍歸
洛何處誅茅可卜居沮溺耕田期作耦惠莊臨水共

觀魚須知偃息丘園樂回視千鍾草芥如

其二

煙樹微茫落照餘湖亭回首悵分裾誰言城市繁華
樂未若郊原寂寞居夜雨遙思三浦柳春風孤負兩
江魚玄汀舊友知心事投我新詩錦不如

送韓慎甫 永徽 赴完山半刺

見爾茲行亦丈夫繁華豐沛舊名都南樓翫月曾蓮
幕東閣看梅又竹符孤直向來為世忤大才今日應
時須春風奉引潘輿去花柳笙歌樂事俱

贈山陰僧禪洽

山陰僧踏漢陽花來訪山陰舊守家報道十年人事
變春風不改鏡湖波

寄謝通川守鄭可叔快

通川太守寄書言杭越何時繼白元未借一麾春已
暮落花風雨掩柴門

其二

昔余童稚戲衙中手種梨花小澗東香雪舊枝今在
否也應衰朽與吾同

記余稚少隨先君在通郡喫梨手種其核于
澗邊長階下卽衙內祠前也余四歲而往九

歲而歸梨卽七歲所種歸時長已三尺許愛
其樹戀其地至今未忘頃問邑人尚在而已
老云余今六十二歲渠亦五十六歲想衰枝
病葉與人一般詠庾子山樹猶如此人何以
堪之語仍悵望感舊聊寄一絕以訊之

書簡尾寄沔川倅李仲獻

公山館裏醉同眠往事居然已十年忽漫相逢仍卽
別滿城風雨落花天

寄遂庵

汀花藪藪草茸茸環壁澄流掛石松春盡峽中應更

好近來沂上復誰從東風一杖仙巖洞明月孤舟玉
筍峰追撫舊蹤思我否共題名處碧苔封

鄭可叔次寄前韻復和報

蓬萊秀出白雲中萬二千峰東海東會待秋風桂花
發吹簫弄月與君同

李沃川 鳳朝挽

我哭親朋今已多獨於君亡最相痛不痛吾君名不
達有兒已縱青冥鞚不痛吾君壽不永早識彭殤同
一夢痛君親年八十一高堂喚子嗚嗚慟想君歸泉
目不瞑使我撫柩心長恫青衫白髮共潦倒詞翰平

生情伯仲秋雨書燈泮東村春風文酒城南洞四十
年前同榻友泣挽靈車不忍送

次趙翊衛錫美 龜祥 詠直廬韻

愛爾官居靜蕭然似寺門投壺消白日留客到黃昏
水蓼疎依砌池荷散點盆鶴鶴一枝足何羨鶴乘軒
朴都正 泰長挽

昔遊孤竹盖初傾兩世交驩若弟兄薄宦風塵身共
倦積年雲樹鬢俱明秋花細酌嗟誰續夜雨殘燈夢
獨驚他日城南經舊宅不因隣笛自傷情

次右相韻呈許夏昌壽席

何勞靈藥強延年八十童顏自是仙鶴髮世稱偕老
貴鳳毛人誦一見賢秋生玉管懸弧節春滿金卮舞
彩筵積善之家宜壽福定知餘慶更蟬聯

席上次聯句韻贈別命汝赴鍾城

涼颯吹散暑雲遲正是行人首路時孤劍頻看肝膽
露一樽相對髮毛衰使君兼得從軍樂騷客應多出
塞詩遙想受降樓上夜月明橫笛有羌兒

厨院鎖直與趙翊衛李直長太素擬天會話拈

韻同賦

鎖直金扉度旭曛掛冠何日返郊原坐看桐葉庭前

落緬憶桃花洞裏村雨歇禁林蟬滿樹吏稀公省鳥
窺門官閒身老真堪笑官漏聲中午睡昏

大殿端午帖

壬午

佳節來時喜雨晴啓殿新旭照宮城人間酒泛香蒲
暖天上衣頰細葛輕百鍊誰誇唐鏡獻五絃爭拈舜
琴聲薰風殿閣微涼動分施清陰是 聖情

其二

御柳和風動宮槐瑞日長艾纏五色縷蒲泛萬年觴
勤儉 宸心切憂勞 聖德光延英多晉接近侍幾
含香

其三

舜殿風薰晝漏稀
細絺初換尚方衣
經筵日午頻開講
申後諸臣始退歸

李海州嘉仲 萬亨 挽

少日終南會團圓
樂意多幾拚聯枕
話時和對樽歌
趁約同登岳携朋
共赴科居然卅載
事忽忽露翻荷

其二

楚璞曾傷削牛刀
始割雞治為諸郡
最名入九重題
累賞仍增秩遺恩
尚洽黎終知良史
筆書與龔黃齊

其三

我守丹丘日君時
鎮藻城超陞優
聖渥治理更賢
聲澤潤瀕河福
燈分比屋情輕
撓一江水不筭
往來程

其四

滿載忠原酒公舟
沂峽來逢迎誇
絕境歌舞上層
臺玉洞穿花入
瓊潭泛月廻相
畱三日醉不忍
送江隈

其五

我抱曼卿感公垂
范子恩三喪移
遠窆一力助相
援旬效今人薄
能將古義敦慇
懃匍匐惠銜結
死難諉

其六

乍起經年病仍分嶺海符賢勞忘已瘁才望應時須
鋤櫛羣姦息煦濡衆瘼蘇膏蘭歸自熱痛惜幾長吁

其七

旅館招魂夜歸裝欲發時遺書托一弟血指戀孤兒
民吏攀輻痛江山返櫬悲淒涼洛城外秋日照空帷

其八

不謂雞岑卜催公馬鬣封帆飛秋水遠旄指暮山重
地下皆親友人間獨老儂他時訪宿草吾涕自無從

尹仲綱酒席醉次別俞仲英

命雄

赴成川韻

縹緲朱欄帶碧流使君於此作遨頭曾是少年爲客

地至今魂夢在高樓

其二

巫山之下沸江頭中有仙人縹緲樓神女夢魂元是
雨使君行色又逢秋誰令朝右無雙士領得關西第
一州秉燭莫辭終夜醉滿堂歌詠爲君愁

別趙錫美赴善山

趙友錫美之赴善山也謂余曰先祖玄洲公
曾以五十八歲莅此府吾今幸復忝此而年
齒適與之同亦一奇也子其以此爲別語仍
以澤堂北渚兩老贈別玄洲詩示余使步其

韻余不能辭敢以蕪語奉和以代贈鞭

平生得失付天機晚廁清班惹是非
美爾一麾辭北闕趁秋雙鳥向南飛
山梨已赤蜂房滿野稻初黃蟹殼肥
時物正佳官况足勝吾窮巷掩荆扉

右澤堂韻

其二

此府繼賢祖是孫寧可輕行年今又合奇事世應名
餘澤瞻遺構畱題感舊程欲教民望副先化在寬征

右北渚韻

贈別沈侍郎汝器梓赴燕

鶴野茫茫道路脩薊門秋色滿行旛山河舉目天猶

醉今古傷心月獨畱何日威儀重觀漢每年朝聘異
觀周憑君為訪燕南市尚有悲歌擊筑不

贈別李行臺周卿世爽赴燕

蕭蕭寒雨灑征衣正是行人首路時專對外方真御
史壯遊中國亦男兒金臺古意秋風感玉館羈愁夜
月知病負河橋遠相送別懷無限付新詩

寫竹歌贈李周卿志爽

植物皆可寫難寫莫如竹不獨取形似所貴在風格
必令寫者胸襟迥不俗加以萬句之筆力然後下筆
始逼真一枝一葉皆可目東方神妙獨數石陽正而

水村集
後寥寥更無續嗚呼絕藝代不乏李侯今能繼其跡
昨者開屏季珍宅滿堂凜凜皆動色苟非胸無塵筆
如杠安能寫竹若此之灑落我昔同僚識君久只識
能詩不識畫無敵老夫癖竹仍癖畫請君爲我寫八
幅新叢抽出鳳尾苗老幹盤屈龍腰曲或作脩竿露
泣珠或爲疎林風撼玉森如節士保清瘦耿若忠臣
守孤直最奇瀟湘點點斑深憐淇澳猗猗綠憑君揮
灑作一屏張我幽居草堂壁何須造門不問主無復
借宅勞自植融神得與此君友可以忘形對朝夕君
不見文與可畫竹寄東坡博得一詩至今名籍籍

次韻題朴士豪

世雄

秋曹稷帖

義村南澗並生東孰是爲雲孰是龍屨及師門先祖
會席聯郎署後孫同湖鄉舊誼今能續睡老遺風世
所宗盛事掄揚傳一帖喜看詞翰各臻工

赴靈光李聖老俞正甫

正基

佩一壺出別於路

左班荆贈詩立次以酬

莫怪臨行勸酒頻驛梅何處寄音塵湖南此去三千
里雲錦中宵獨望宸

泰仁縣齋示主倅李姪竑

癸未

我昔披香亭上過披香亭上月明多一樽醉倒清香

水村集
裏風動西湖十里荷

其二

春風皂盖又詩山樽酒逢君盡意歡一搯披香亭上月今宵絕勝去年看

以事到佛甲村臨溪對花

朱墨叢中度歲華偶因公事到溪涯湖南物候今年晚寒食村家始杏花

法聖浦次權亞使

以鎮韻

角罷漕臺吏散庭晚移樓牒趁潮生江山雨洗春容潤歌管風飄舞袖輕十里好花隨岸暎二更佳月印

波明名區此會真堪畫賓主東南美盡傾

次李生壽聃韻

客遊千里江南路不上凝香不是仙風雨一番春已盡落花飛絮滿樓前

與巡相韓公汝允

聖佑

遊邊山次來蘇寺示同

遊諸公韻

翩翩玉節訪仙山千丈丹崖喜共攀海上名區看未遍不須催赴紫泥頒

外別堂閒坐

階竹叢叢翠葉齊橘枝垂實近窻低齋居小院清無

事唯有幽禽伴客啼

法聖浦戰船習操

萬斛樓船擁虎貔海門秋日照旌旗揚兵習戰鳴雷
鼓自擬龍驤下蜀時

宿鳳停寺

古寺荒涼廢院多雨中黃葉落庭柯懸燈此夜誰相
伴老釋鬚眉一半皤

睡餘漫詠寄金壽卿

甲申

一從 恩譴罷官歸傲屋終南獨掩扉雨過閒庭飛
鳥下春來窮巷到人稀平生固已齊榮辱浮世何曾

免是非日午空齋憑几睡水村回夢舊漁磯

贈別報恩知縣辛君受和

湖外携琴領物華三山樓是使君家遨頭此日春猶
早洞裏仙桃未着花

其二

俗離山下卽松楸憐我無奴守故丘敢請使君勤撫
卹草菴唯有數僧畱

次金壽卿寄示韻

朝嵐夕靄滿窗櫳卧對終南翠掃空初拆杏花微帶
雨新來燕子細颺風清明節過孤吟裏華胥遊憑短

夢中別有世間奇特事接隣重會兩衰翁

送尹叔兼出宰永平

大弔不射鼠雄劍不補履銓衡一何誤小縣屈奇士
可惜龐士元其才非百里舉世無人知唯我獨知子
伯樂去已久誰拔鹽車驥高歌行路難臨歧一長喟

其二

子賤宰單父子游宰武城割雞起聖歎彈琴留頌聲
爲治無大小君子以道行况今命長吏慎簡勞
聖情勿論永平薄分憂亦不輕速去救赤子百里方
呼庚

其三

東風吹飛雨春思忽如秋悵然握君手驪駒臨道周
聞說永平縣山水清而幽上有蒼玉屏下有白鷺洲
小邑閒無事暇日多出遊我欲撥塵去共君消百憂

寄銓相洪君澤

受瀝

性朴多愚戇言狂惹是非憲臺踰拙分名路足危機
屏伏朋知絕衰遲宦念微梨園一閒局遷補莫相違
次李甥以榮韻

憐君携室累遷居索米長安計活疎貂弊楚關薪似
桂缺彈齊舍食無魚青雲半致同窻友皓首空留滿

篋書窮且益堅男子事暮年功業莫拋虛

再疊

寂寥窮巷閉門居多病親朋日覺疎暮歲愧乘桓典
馬秋風恨負季鷹魚鮑樽妙理三杯酒斐几閒情一
卷書靜裏默觀浮世事是非榮辱揔歸虛

三疊

屈子何須更卜居此身今與世全疎名場得失葺蕉
鹿宦路昇沉上竹魚老去相親唯几杖病來難廢是
琴書夜看明月生新得動則爲盈靜則虛

別禮安宰尹衡仲

夏教

君行有似謝玄暉老向宣城把一麾太白千峰真異
境陶山九曲大賢祠月明潭淨携琴夜秋興亭空倚
杖時隨處遨頭佳趣在定知高價長前詩

次諸公賀姜叔九

錫範

加資韻

莫貴千鍾祿休榮萬戶封育才人亦有陞秩世誰逢
堂溢三鱣賀門期駟馬容撝謙何太過自道隗先從

次沈緯卿盆梅韻

姑射山中綽約人冰姿雪態皎然新清香淡淡煙籠
夕素影依依月掛辰獨保孤芳先破臘肯隨浮艷共
爭春東華恐被緇塵汚來伴西湖寂寞濱

送黃子羽一夏赴萊州乙酉

君今分竹向萊山瘴海淹留幾日還猶勝接天風浪
地白頭磨軋是非間

大殿春帖子

青臺暖律屈新元寶字宜春已帖門細菜金盤秦地
節綵花銀勝漢宮恩陽和日逐東風轉 聖德星環
北極尊爭賀太平今有象頌堯歌詠醉衢樽

其二

歲逐宮梅謝春從御柳回紫微佳氣繞黃道瑞曦開
玉食勤周政金資惜漢臺仁民惠鮮化風動與時催

其三

寬詔隨春出漢宮歡聲喜氣動和風吾 王盛德天
同大匝域潛周潤物功

追寄通川守黃翰卿鎮別語

通州絕境飽曾知請爲吾君賦一詩叢石亭真天下
勝金欄窟亦海東奇層層玉立蓬山近渺渺萍浮蔚
島歌盡管風煙閒作主倘非仙分孰能斯

次春卿與慶姪崇兒相和韻

山翠茸茸入小樓卧看松頂白雲浮西園好鳥蔽林
語南澗幽泉激石流世路羊腸難着足宦名蝸角莫

六才集
回頭笑來張翰思歸晚蓴菜鱸魚始待秋

李侍直益之尚謙挽

桃花洞裏是君居淡淡亭西卽樊廬乘興雪中無返棹縱談濠上有觀魚江湖計活貧相似詩酒襟期樂莫如他日山陽獨經過不因隣笛已沾裾

金龍宮萬謹挽

世稱吾榜得人多儒雅如君更孰過唐子貶官由讜語連州改刺亦恩波芳蘭自以香先折白玉誰言玷可磨親老在堂兒又稚淚和薤露不成歌

洪秀士啓英挽

初驚俊彩澤翁家復喜清詩絕世華人似玉梅花早謝此花飛後更無花

別金天用致龍令公赴龍灣

龍灣自是國西門雄府關防壯塞垣天限箕東環大水地連遼左走中原張筵夜館雙蛾匝觀獵秋郊萬馬屯從古尹茲才望重此行雖外亦殊恩

任相禮道三挽

卓絕高才世孰諳棲棲薄宦困奇男統軍亭上驚人語擊節當時有息庵

其二

廣文寒餓坐無氈潦倒誰能乞酒錢
畱得盛名身後在卷中詩律幾千篇

金積城

壽徵挽丙戌

吾聞玄圃中羅列皆瓊樹偉哉清陰門一何似玄圃
君是清陰孫並生羣玉府開口卽詠鳳燦若天葩吐
清陰亟稱奇抱撫隣童孺君齡十四五大老年已暮
衰病在床第坐卧不自主君能善左右日夜手扶護
寢食及興居一一唯君付終始不少怠有書示獎諭
逮侍先考疾割指冀救愈嗟嗟乃如君真不忝先祖
况承兩相訓樂有賢兄父晚登上庠生高科期拾取

科榮祇爲親旣孤更不赴殘郵與薄縣抱關安所遇
凜然保冰蘖唯恐家聲汚居無數間屋田乏一片土
棲棲湖海間漂泊備辛苦不廢書史娛只耽山水趣
平生貴節義卷中多所慕零落日月編遺墨那忍睹
伊我於我君少小托情素豈獨同榜誼愛君有雅度
我宰丹丘日君時清峽住山扉我或叩郡齋君亦顧
白髮靜相對江月照清晤居然十年事奄忽成千古
秋風吹丹旆去向揚州路霑灑滿掬淚一曲歌薤露
暮春雨中寄元命汝

霏霏細雨送輕寒春思闌珊不自寬
卧對杏花千樹

雪一樽何日共君歡

次金休徵

時瑞

醉中贈人韻

重陽未到子先去把手相憐詩酒狂處處湖南清絕地不知誰共菊花觴

和國美

李東彥

獄中詩韻

李國美在獄中有詩曰十載偏蒙 雨露私
啗桃矯駕倘爲之微臣罪大生何益 聖主
恩深死亦遲素志已違忠孝計幽冤獨有鬼
神知圓扉夜夜悠揚夢半入萱堂半 玉墀
余聞而悲之爲和其韻

獨立敢言公不私福居人後禍先之慈猶投杼讒何甚笑自藏刀悟太遲千古至冤今日見一生純行上天知漢廷無復將軍在誰爲孤臣首碎墀

贈別許水部珍叔

琬

赴黃山驛

驪駒一曲動征騶雲樹迢迢嶺路脩水部暮年聊浪跡驛樓今日又羈愁海邊春信梅迎臘天外鄉書鴈帶秋莫惜詩筒頻寄我九言亡後更誰留

郭夏叔

昌

徵挽

昨者翁臨陽縣時佩銅阿郎奉壽卮今者翁辭陽縣日衰麻諸子攀靈輻可憐人事去來異亦令行路皆

水村集
傷悲嗚呼是翁難再得磊落自是好男兒翁有雄詞
終不第翁有高才終莫施官雖玉貂豈云達薄祿未
救家衆飢蕭然一室漢城西坐對花竹空吟詩有子
折桂還點額有孫折蓮稍解頤只賀翁年近八旬詵
詵庭下多蘭芝重牢盛事去年春襲美先祖人間奇
我時扶病與華筵盡醉不知西日移此會居然已陳
跡浮生若夢堪嗟噫伊我於翁兩世交交情到老無
磷緇少日親朋盡零落翁今又逝吾從誰一曲哀詞
兩行淚此心庶或英靈知

水村集卷之四

